

զր 18.04.2013,
կց 11513151



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՇԽԱՏԱՆՔԻ ԵՎ ՍՈՑԻԱԼԱԿԱՆ
ՀԱՐՑԵՐԻ ՆԱԽԱՐԱՐ

«22» Տարբերակ 2013թ. N 42 - Ն



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՌՈՂՋԱՊԱՀՈՒԹՅԱՆ
ՆԱԽԱՐԱՐ

«25» Տարբերակ 2013թ. N 10 - Ն

Հ Ա Մ Ա Տ Ե Ղ Հ Ր Ա Մ Ա Ն


**ԲԺՇԿԱՍՈՑԻԱԼԱԿԱՆ ՓՈՐՁԱՔՆՆԱԿԱՆ ՀԱՆՁՆԱԺՈՂՈՎՆԵՐԻ ՆԻՍԵՐԻՆ
ՄԱՍՆԱԳԵՏՆԵՐԻ ՄԱՍՆԱԿՑՈՒԹՅԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ**

Ղեկավարվելով Հայաստանի Հանրապետության կառավարության 2002 թվականի նոյեմբերի 14-ի թիվ 1821-Ն որոշմամբ հաստատված Հայաստանի Հանրապետության աշխատանքի և սոցիալական հարցերի նախարարության կանոնադրության 12-րդ կետի <<դ>> և Հայաստանի Հանրապետության կառավարության 2002 թվականի օգոստոսի 15-ի թիվ 1300-Ն որոշմամբ հաստատված Հայաստանի Հանրապետության առողջապահության նախարարության կանոնադրության 12-րդ կետի <<դ>> ենթակետերի դրույթներով, ինչպես նաև Հայաստանի Հանրապետության կառավարության 2006թ. մարտի 2-ի թիվ 276-Ն որոշման 5.1 կետի դրույթների կիրառումն ապահովելու նպատակով՝

ՀՐԱՄԱՅՈՒՄ ԵՆՔ

1. Հաստատել բժշկասոցիալական փորձաքննական հանձնաժողովների նիստերին մասնագետների մասնակցության կարգը՝ համաձայն հավելվածի:
2. Սույն հրամանի կատարման հսկողությունը վերապահել Հայաստանի Հանրապետության աշխատանքի և սոցիալական հարցերի նախարարի տեղակալ Զեմմա Բաղդասարյանին և Հայաստանի Հանրապետության առողջապահության նախարարի տեղակալ Վահան Պողոսյանին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՇԽԱՏԱՆՔԻ ԵՎ ՍՈՑԻԱԼԱԿԱՆ
ՀԱՐՑԵՐԻ ՆԱԽԱՐԱՐ



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՌՈՂՋԱՊԱՀՈՒԹՅԱՆ ՆԱԽԱՐԱՐ



Հավելված

ՀՀ աշխատանքի և սոցիալական հարցերի նախարարի
2013թ. Տարածք թիվ 42 -Ն հրամանի

ՀՀ առողջապահության նախարարի
2013թ. Տարածք թիվ 10 -Ն հրամանի

ԿԱՐԳ

**ԲԺՇԿԱՍՈՑԻԱԼԱԿԱՆ ՓՈՐՁԱՔՆՆԱԿԱՆ ՀԱՆՁՆԱԺՈՂՈՎՆԵՐԻ ՆԻՍՏԵՐԻՆ
ՄԱՍՆԱԳԵՏՆԵՐԻ ՄԱՍՆԱԿՑՈՒԹՅԱՆ**

1. Սույն կարգով սահմանվում են Հայաստանի Հանրապետության առողջապահության նախարարի հաստատած մասնագետների ցանկից պատահական ընտրության միջոցով բժշկասոցիալական փորձաքննական հանձնաժողովների (այսուհետ՝ հանձնաժողով) նիստերին մասնագետների մասնակցության հետ կապված հարաբերությունները:

2. Առաջին անգամ փորձաքննվող անձանց բժշկասոցիալական փորձաքննության ժամանակ հանձնաժողովի նիստերին մասնակցում են Հայաստանի Հանրապետության մարզպետարանների կամ Երևանի քաղաքապետարանի կողմից ներկայացված և Հայաստանի Հանրապետության առողջապահության նախարարի կողմից հաստատված մասնագետների ցանկում ներառված անձինք, այդ թվում՝ պոլիկլինիկաների տնօրենների փորձաքննության գծով տեղակալներ, Երևան քաղաքի և Հայաստանի Հանրապետության մարզպետարանների (մարզերի) առողջապահության ոլորտի գլխավոր մասնագետներ (այսուհետ՝ մասնագետներ):

3. Հայաստանի Հանրապետության մարզպետարանների և Երևանի քաղաքապետարանի աշխատակազմերը (այսուհետ՝ աշխատակազմ) Հայաստանի Հանրապետության առողջապահության նախարարի հաստատած մասնագետների ցանկից պատահական ընտրության միջոցով ապահովում են մասնագետի մասնակցությունը հանձնաժողովի նիստերին:

4. Աշխատակազմը Հայաստանի Հանրապետության առողջապահության նախարարի կողմից հաստատված մասնագետների ցանկը կողավորում է և գետեղում համակարգչում, որում ընդգրկվում են հետևյալ տվյալները՝

- 1) մասնագետի անունը, ազգանունը, հայրանունը,
- 2) պաշտոնը, մասնագիտացումը,
- 3) աշխատանքի վայրը,
- 4) բնակության վայրը,
- 5) հեռախոսահամարները՝ բնակարանային, աշխատանքային, բջջային,
- 6) էլեկտրոնային փոստի հասցեն (դրա առկայության դեպքում):

5. Հանձնաժողովի նիստերին մասնակցելու համար մասնագետներն ընտրվում են այդ նպատակով համակարգչում գետեղված ցանկից՝ բժշկասոցիալական փորձաքննության անցկացման օրվանից առնվազն 3 օր առաջ:

6. Աշխատակազմը բժշկասոցիալական փորձաքննական հանձնաժողովների նիստերի ժամանակացույցի վերաբերյալ տեղեկանում է Հայաստանի Հանրապետության աշխատանքի և սոցիալական հարցերի նախարարության պաշտոնական վեբ կայքից ([www:mss.am](http://www.mss.am)):

7. Աշխատակազմը հանձնաժողովի նիստի (բժշկասոցիալական փորձաքննության) պայացման օրվանից առնվազն 2 օր առաջ ընտրված մասնագետին տեղեկացնում է նրա ընտրվելու, հանձնաժողովի նիստի /բժշկասոցիալական փորձաքննության/ օրվա, ժամի և վայրի մասին:

8. Հանձնաժողովների նիստերին մասնագետի մասնակցության անհնարինության դեպքում, մասնագետը մեկօրյա ժամկետում դրա մասին տեղեկացնում է աշխատակազմին: Աշխատակազմը հաստատած մասնագետների ցանկից պետական ընտրության միջոցով ապահովում է այլ մասնագետի մասնակցությունը հանձնաժողովի նիստերին:

9. Ընտրված մասնագետը հանձնաժողովում նույն օրը, նախապես՝ մինչև անձի փորձաքննություն իրականացնելը, ուսումնասիրում է փորձաքննվող անձի բժշկական փաստաթղթերը, նրա առողջական վիճակի վերաբերյալ ամբողջական պատկերացում կազմելու համար:

10. Բժշկասոցիալական փորձաքննության ընթացքում մասնագետը հիմնավորում է բժշկասոցիալական փորձաքննության ուղեգրումը՝ ներկայացնելով իր կարծիքն ու մասնագիտական եզրակացությունը փորձաքննվող անձի առողջական վիճակի, թունկցիայի խանգարման տեսակի և աստիճանի մասին:

11. Բժշկակասոցիալական փորձաքննության ժամանակ մասնագետը ունի սորհրդակցական ձայնի իրավունք, տրամադրում է մասնագիտական եզրակացություն, որը կցվում է է փորձաքննված անձի բժշկասոցիալական փորձաքննական գործին:

12. Հանձնաժողովների նիստերին մասնագետի մասնակցությունը գրանցվում է այդ պատակի համար նախատեսված գրանցամատյանում և ստորագրվում նրա կողմից:

13. Հանձնաժողովը եռամսյակը մեկ անգամ հաշվետվություն է ներկայացնում Հայաստանի Հանրապետության բժշկասոցիալական փորձաքննության գործակալություն՝ մասնագետների մասնակցության վերաբերյալ:

14. Հայաստանի Հանրապետության բժշկասոցիալական փորձաքննության գործակալությունը կիսամյակը մեկ անգամ և ըստ անհրաժեշտության, Հայաստանի Հանրապետության աշխատանքի և սոցիալական հարցերի նախարարություն է ներկայացնում ամփոփ տեղեկատվություն՝ բժշկասոցիալական փորձաքննական հանձնաժողովների նիստերին մասնագետների մասնակցության վերաբերյալ: